

www.BibleForChildren.org

AR MATEO 8



Ár hñupa bi nja n'ar nthöti núny Nkana har hai Ngalilea.
Ka mi 'buhny ár nönö ar Hesu n'ehe. Ar Hesu ne yá
maxte bi nsipabi nda ma har ngo n'ehe.



Nú'mu mi k'at'a ar ixkat'afi, ár nönö ar Hesu bi 'ñembabi:
—Bi the ar ixkat'afi. Nep'u ár nönö bi 'ñemba nu'u mi
faxte har ngo: —'Yothu gatho nö'ö da xi'ahu.



Ar Hesu bi 'ñemba ya 'bego: —Ñu'su ar
dehe nuya motoyu. Ne nu'u bi ñuts'i xiñho,
xa bi 'baxki. M'efa bi 'ñembabi n'ehe:
—'Yathu ne hñö'spabihu ár ndö nunar
ngonu. Nu'u bi hñö'spabi'ö.



Nunár ndö ar ngo mi za ar dehe xki ñ'ixkat'afi, himi pöhnü habü xki 'ñehe. Hõnse nuya 'bëgoyü mi pö'ü xki 'yat'ü har dehehmö. Nunar ndö 'mü bi ma ba zo nö'ö togo xki nthöti. Ne bi 'ñembabi: —Gatho nu'ü togo ot'a n'ar ngo, m'et'o unga ar hoga ixkat'afi, ne nú'mü xi nithe nu'ü xi ts'ohni, unga nö'ö hints'ü ho. Ha nu'ge xka kwata nö'ö xiñho, ne ja xka umpya.




Gehnu ar 'be't'o dötant'udi bi 'yot'a ar
Hesu núnu Nkana har h̄ai Ngalilea.
Bi ñ'u ár nsunda ne nuyá
m̄axte bi ñ'em̄uibi.



N'agi ar Hesu bi ma hár ngu ar Pedro,
ka bi dinbabinu ár to mi the ar mpat'i.



Ar Hesu bi mipa ár 'ye, ne dama bi hye ar mpat'i mi the.
Bi nanga nunar 'behñöny, ne bi umbabi te nda zi'ü.



Mi taknde, ja xki yu ar hyadi, ba ts'impa gatho
ya dathi ne nu'u mi nthexkwi ya ts'ondöhi.


Gatho ya mengunu xa
mi ñ'ent'i bi wat'a
har goxthi.



Ne bi othe nze̲ye̲ tsant'ö ar hñeni mi pets'i,
ne bi 'yenga nze̲ye̲ ya ts'ondöhi, ne himi hegi nda ñö,
ngetho mi pö'u togo'ö.



Ne gatho ya jö'i xa mi ne nda danga ar Hesu,
ngetho nu'ü togo nda dani, mi ponga n'ar ts'edi
mi hokwa gatho yá hñeni.



Nu'mú ba e 'ra ya ñ'ohò mi honi, mi tsi n'ar ñ'ohò xki nza á r ndo'yo, mi njunga goho mi muts'i.



Nuya jö'i xa mi nzeye, himi tsa nda
yut'i. Jange bi xos'u n'a xeni ár m'et'e
ar ngu, ne ka bi gö'mnu har
oki nunar fidi mi oxa ar
ñ'ohö xki nza
ár ndo'yo.




Ar Hesu mi hyandwa yá jamfi nu'ụ togo mi tsihi,
bi 'ñemba ar ñ'ohọ xki nza
ár ndo'yo: —Ndada,
xi mpump'a ri ts'oki.
—Nu'ge di xi'a'i:
Nangi, juxa ri fidi,
di ma ri ngu.



Mi boxa ar Hesu har motsa, nuyá mǎxte bi deni n'ehe.
Nú'mu mi ku har dehe, bi ñ'o
n'ar 'yomndöhi. Yá mfets'i
ar dehe mi hexta ar
motsa, har Hesu
mi ötho.



Ne nö'ö bi 'ñembabi: —Yo'ö gi ntsuhü. Tema bi ja ri jamfihü. Ne bi nangi bi zü ar 'yomndöhi ne ar ñhõnthe, ne dama bi ñhetho. Nu'mú nuyá mǎxte xa bi 'yotho ne mi eñ'ü: —Togonü 'mü, ar 'yomndöhi ne ar dehe ɔta nö'ö 'bepabi.



AR MATEO 8-9; AR MARKO 1-2, 4;
AR LUKA 4, 8; AR XUWA 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Otomi, Querétaro NT (otq) © 2003, Wycliffe Bible
Translators, Inc. All rights reserved.

<https://www.bible.com/bible/259/MAT.1>

©2025 Bible for Children, Inc.

www.M1914.org

www.bibleforchildren.org

